



Službeni glasnik

Općine Donji Vakuf

Broj 2/03	Donji Vakuf, 21.02.2003. god.	Strana 1
-----------	-------------------------------	----------

Na osnovu člana 15. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj 1/98,3/98 i 2/01), Općinsko vijeće Donji Vakuf na sjednici održnoj 15.02.2003 god., donijelo je

PROGRAM RADA OPĆINSKOG VIJEĆA DONJI VAKUF ZA 2003. GODINU

U cilju što potpunijeg i sveobuhvatnijeg planiranja rada Općinskog vijeća pripreme za izradu i donošenje Programa rada počele su krajem mjeseca novembra 2002 godine. U sklopu tih priprema, a u cilju pribavljanja prijedloga i mišljenja o pitanjima koja treba unijeti u Program rada, upućeno je pismo svim vijećnicima, političkim strankama, radnim tijelima Vijeća, Općinskom načelniku i općinskim službama za upravu. Kako do kraja mjeseca decembra nije zaprimljen ni jedan novi prijedlog cijenjeno je da pitanja koja su obrađivana u predhodnim godinama obuhvataju kompletnu oblast iz nadležnosti Vijeća, pa je na bazi tih pozitivnih iskustava sačinjen i ovaj Program, kao dokument kojim su utvrđeni zadaci i njihovo izvršavanje. Uspješnost realizacije utvrđenih zadataka zahtijeva odgovornost i ažurnost obrađivača i predlagača u poštovanju utvrđenih rokova.

Radi preglednosti i operativnosti zadaci su u Programu sistematizovani prema rokovima predviđenim za njihovo izvršavanje.

FEBRUAR

1. Program rada Općinskog vijeća Donji Vakuf za 2003 godinu

Obrađivač: Kolegij vijeća
Predlagač: Općinsko vijeće

2. Program rada Općinskog načelnika

Obrađivač: Općinski načelnik
Predlagač: Općinski načelnik

3. Budžet Općine Donji Vakuf za 2003 godinu

Obrađivač: Služba za privredu i finansije

Predlagač: Općinski načelnik

4. Odluka o izvršenju Budžeta Općine Donji Vakuf za 2003 godinu

Obrađivač: Služba za privredu i finansije
Predlagač: Općinski načelnik

5. Odluka o prosječnoj konačnoj građevinskoj cijeni m² korisne stambene i poslovne površine u društveno usmjerenoj izgradnji na području Općine Donji Vakuf za 2002. godinu

Obrađivač: Služba za geodetske i imovinsko pravne poslove
Predlagač: Općinski načelnik

6. Odluka o visini naknade za izuzeta građevinska zemljišta u društvenoj-državnoj svojini

Obrađivač: Služba za geodetske i imovinsko pravne poslove
Predlagač: Općinski načelnik

7. Odluka o uslovima i načinu određivanja naknade za eksproprisana poljoprivredna i građevinska zemljišta

Obrađivač: Služba za geodetske i imovinsko pravne poslove
Predlagač: Općinski načelnik

8. Odluka o izmjenama i dopunama Odluke o osnovama i mjerilima za utvrđivanje visine naknade za dodijeljeno gradsko građevinsko zemljište, uređenje gradskog građevinskog zemljišta i naknade za korištenje gradskog građevinskog zemljišta

Obrađivač: Služba za geodetske i imovinsko pravne poslove
Predlagač: Općinski načelnik

MART

1. Izvještaj o ostvarenju Budžeta Općine Donji Vakuf za 2002 godinu

Obrađivač: Služba za privredu i finansije
Podnosilac: Općinski načelnik

2.Izveštaj o radu Općinskog načelnika i općinskih službi za upravu sa izvještajem o stanju popunjenosti i stručne zastupljenosti u općinskim službama za upravu

Obrađivač: Općinske službe za upravu
Podnosilac Općinski načelnik

3.Program uređenja gradskog građevinskog zemljišta za 2003 godinu

Obrađivač: Služba za stambeno komunalne djelatnosti i prostorno uređenje
Predlagač: Općinski načelnik

4.Program izgradnje komunalnih i drugih objekata infrastrukture na području Općine Donji Vakuf u 2003 godini

Obrađivač: Služba za stambeno komunalne djelatnosti i prostorno uređenje
Predlagač: Općinski načelnik

5.Program rješavanja naplate zaostalih potraživanja po osnovu naknade za korištenje gradskog građevinskog zemljišta

Obrađivač: Služba za privredu i finansije
Predlagač: Općinski načelnik

6.Odluka o urbanističko tehničkim uslovima za izdavanje urbanističke saglasnosti

Obrađivač: Služba za stambeno komunalne djelatnosti i prostorno uređenje
Predlagač: Općinski načelnik

7.Informacija o provedbi imovinskih zakona, povratku izbjeglih i raseljenih osoba i obnovi na području Općine Donji Vakuf u 2002 godini

Obrađivač: Služba za geodetske i imovinsko pravne poslove i J. U. Centar za socijalni rad Donji Vakuf
Podnosilac: Općinski načelnik
APRIL

1.Izveštaj o utrošku sredstava Budžeta Općine Donji Vakuf za period 01.01 do 31.03.2003 godine

Obrađivač: Služba za privredu i finansije
Podnosilac: Općinski načelnik

2.Izveštaj o radu Općinskog suda Bugojno u 2002 godini

Obrađivač: Općinski sud Bugojno

Podnosilac: Općinski sud Bugojno

3.Izveštaj o radu Općinskog javnog tužilaštva Bugojno u 2002 godini

Obrađivač: Općinsko javno tužilaštvo
Podnosilac: Općinsko javno tužilaštvo

4. Izveštaj o radu Općinskog javnog pravobranilaštva Bugojno u 2002 godini

Obrađivač: Općinsko javno pravobranilaštvo
Podnosilac Općinsko javno pravobranilaštvo

5.Izveštaj o radu Općinskog suda za prekršaje Donji Vakuf u 2002 godini

Obrađivač: Općinski sud za prekršaje Donji Vakuf
Podnosilac: Općinski sud za prekršaje Donji Vakuf

6.Izveštaj o radu radnih tijela Vijeća

Obrađivač: Radna tijela Vijeća
Podnosilac: Radna tijela Vijeća

7.Odluka o posebnim kriterijima za dodjelu na korištenje građevinskog zemljišta posebnim korisnicima, bez naknade

Obrađivač: Služba za geodetske i imovinsko pravne poslove
Predlagač: Općinski načelnik

8.Odluka o uslovima i kriterijima za dodjelu na korištenje poslovnih prostora u vlasništvu Općine

Obrađivač: Služba za stambeno komunalne djelatnosti i prostorno uređenje i Služba za geodetske i imovinsko pravne poslove
Predlagač: Općinski načelnik

9.Odluka o određivanju zaštitnog pojasa uz vodotoke

Obrađivač: Služba za privredu i finansije
Predlagač: Općinski načelnik

10.Odluka o radnim tijelima vijeća
Obrađivač: Komisija za izradu statuta i drugih normativnih akata
Predlagač: Komisija za izradu statuta i drugih normativnih akata

11.Izveštaj o stanju sporta na području Općine Donji Vakuf

Obrađivač: Služba za društvene djelatnosti i opću upravu
Podnosilac: Pomoćnik načelnika za društvene djelatnosti i opću upravu

12. Izvještaj o stanju u privredi na području Općine Donji Vakuf

Obrađivač: Služba za privredu i finansije
Podnosilac: Općinski načelnik

MAJ

1. Izvještaj o radu Fonda za stipendiranje đaka i studenata u 2002 godini

Obrađivač: Fond za stipendiranje đaka i studenata
Podnosilac: Fond za stipendiranje đaka i studenata

2. Izvještaj o radu Javnog preduzeća «Radio televizija» Donji Vakuf u 2002 godini

Obrađivač: J. P. «Radio televizija» Donji Vakuf
Podnosilac: J. P. «Radio televizija» Donji Vakuf

3. Izvještaj o radu Javnog preduzeća Veterinarska stanica Donji Vakuf u 2002. godini

Obrađivač: J. P. Veterinarska stanica Donji Vakuf
Podnosilac: J. P. Veterinarska stanica Donji Vakuf

4. Izvještaj o radu Javnog komunalnog preduzeća «Gradina» Donji Vakuf u 2002. godini

Obrađivač: J.K.P. «Gradina» Donji Vakuf
Podnosilac: J.K.P. «Gradina» Donji Vakuf

5. Izvještaj o radu Vatrogasnog društva Donji Vakuf u 2002 godini

Obrađivač: Vatrogasno društvo Donji Vakuf
Podnosilac: Vatrogasno društvo Donji Vakuf

6. Izvještaj o radu Javne ustanove Dom kulture Donji Vakuf u 2002 godini

Obrađivač: J. U. Dom kulture Donji Vakuf
Podnosilac: J. U. Dom kulture Donji Vakuf

7. Izvještaj o radu Javne ustanove Dječiji vrtić Donji Vakuf u 2002 godini

Obrađivač: J. U. Dječiji vrtić Donji Vakuf
Podnosilac: J. U. Dječiji vrtić Donji Vakuf

8. Izvještaj o radu J. ustanove Centar za socijalni rad Donji Vakuf u 2002 godini

Obrađivač: J. U. Centar za socijalni rad Donji Vakuf
Podnosilac: J. U. Centar za socijalni rad Donji Vakuf

JUNI

1. Informacija o stanju javnog reda i mira na području Općine Donji Vakuf u 2002. godini, s posebnim osvrtom na provođenje Odluke o komunalnom redu

Obrađivač: Policijska uprava Donji Vakuf
Podnosilac: Policijska uprava Donji Vakuf

2. Informacija o radu upravnih odbora javnih preduzeća i ustanova čiji je osnivač Općina

Obrađivač: Služba za privredu i finansije i Služba za društvene djelatnosti i opću upravu
Podnosilac: Općinski načelnik

3. Izvještaj o stanju u poljoprivredi na području Općine Donji Vakuf

Obrađivač: Služba za privredu i finansije
Podnosilac: Općinski načelnik

4. Izvještaj o stanju razvoja zanatskih i drugih djelatnosti koje građani obavljaju samostalno, sa iznalaženjem mogućnosti podsticajnih mjera

Obrađivač: Služba za privredu i finansije
Podnosilac: Općinski načelnik

5. Izvještaj o provedenoj privatizaciji na području Općine Donji Vakuf (sa podacima Agencije za privatizaciju o uslovima prodaje i novim vlasnicima) i efektima provedene privatizacije

Obrađivač: Služba za privredu i finansije
Podnosilac: Općinski načelnik

6. Informacija o položaju nevladinih organizacija na području Općine Donji Vakuf i postignutim efektima u bržem razvoju civilnog društva

Obrađivač: Služba za društvene djelatnosti i opću upravu
Podnosilac: Općinski načelnik

7. Zaključak o upućivanju javnog poziva u cilju prikupljanja prijedloga za utvrđivanje prioriteta za budžetsku 2004 godinu

Obrađivač: Služba za privredu i finansije
Predlagač: Općinski načelnik

AUGUST

1. Izvještaj o utrošku sredstava Budžeta Općine Donji Vakuf za period 01.01. do 30.06.2003 godine

Obrađivač: Služba za privredu i finansije
Podnosilac: Općinski načelnik

2. Izvještaj o stanju u privredi na području Općine

Donji Vakuf

Obrađivač: Služba za privredu i finansije
Podnosilac: Općinski načelnik

3.Odluka o dodjeli priznanja i Program obilježavanja Dana oslobođenja Donjeg Vakufa

Obrađivač:Komisija za obilježavanje značajnih datuma i dodjelu priznanja
Predlagač: Komisija za obilježavanje značajnih datuma i dodjelu priznanja

SEPTEMBAR

1.Informacija o stanju u oblasti osnovnog i srednjeg obrazovanja u školskoj 2002/2003 godini sa informacijom o potrebama Općine za školovanjem visokostručnih kadrova i boljim utvrđivanjem vođenja politike stipendiranja potrebnih kadrova

Obrađivač: Služba za društvene djelatnosti i opću upravu
Podnosilac: Općinski načelnik

2.Informacija o procjeni prihoda i rashoda u 2004 godini i utvrđivanje prioriteta za budžetsko finansiranje

Obrađivač: Služba za privredu i finansije
Podnosilac: Općinski načelnik

3.Informacija o primjeni propisa u oblasti urbanizma i građenja sa informacijom o toku izrade planske dokumentacije - prostornog i urbanističkog plana Općine

Obrađivač: Služba za stambeno komunalne djelatnosti i prostorno uređenje
Podnosilac: Općinski načelnik

4.Informacija o ostvarivaju zdravstvene zaštite na području Općine Donji Vakuf

Obrađivač: Služba za društvene djelatnosti i opću upravu
Podnosilac: Općinski načelnik

5.Informacija o provedni imovinskih zakona, povratku izbjeglih i raseljenih osoba i obnovi na području Općine Donji Vakuf u periodu 01.01. do 30.06. 2003 godine

Obrađivač: Služba za geodetske i imovinsko pravne poslove i J.U. Centar za socijalni rad Donji Vakuf
Podnosilac: Općinski načelnik

OKTOBAR

1.Izvještaj o utrošku sredstava Budžeta Općine Donji Vakuf za period 01.01. do 30.09.2003 godine

Obrađivač: Služba za privredu i finansije
Podnosilac: Općinski načelnik

2.Informacija o stanju eksploatacije i zaštite šuma na području Općine Donji Vakuf

Obrađivač: Š P P «Koprivnica» Bugojno
Podnosilac: Š P P «Koprivnica» Bugojno

3.Informacija o stanju ugroženosti vodotoka na području Općine Donji Vakuf sa aspekta izgradnje stambenih i drugih objekata

Obrađivač: Služba za privredu i finansije
Podnosilac: Općinski načelnik

4.Strategija dugoročnog razvoja poljoprivrede na području Općine Donji Vakuf

Obrađivač: Služba za privredu i finansije
Podnosilac: Općinski načelnik

DECEMBAR

1.Budžet Općine Donji Vakuf za 2004 godinu

Obrađivač: Služba za privredu i finansije
Podnosilac: Općinski načelnik

2. Odluka o izvršenju budžeta Općine Donji Vakuf za 2004 godinu.

Obrađivač: Služba za privredu i finansije
Podnosilac: Općinski načelnik

3.Program uređenja gradskog građevinskog zemljišta za 2004 godinu

Obrađivač: Služba za stambeno komunalne djelatnosti i prostorno uređenje
Podnosilac: Općinski načelnik

4.Program izgradnje komunalnih i drugih objekata infrastrukture na području Općine Donji Vakuf u 2004 godini

Obrađivač: Služba za stambeno komunalne djelatnosti i prostorno uređenje
Podnosilac: Općinski načelnik

Pored utvrđenih zadataka Vijeće će, ukoliko se ukaže potreba, razmatrati i druga pitanja iz svoje nadležnosti.

Broj: 01/1-49-202/03
Donji Vakuf, 17.02.2003. godine

PREDSEDavajući OPĆINSKOG VIJEĆA
Hadžić Džavid, dipl.ing šumarstva

Na osnovu člana 2. Zakona o vlasničko-pravnim odnosima ("Službene novine Federacije BiH", broj 6/98), člana 7. Zakona o lokalnoj samoupravi ("Službene novine SBK", broj 1/98), člana 34. statuta Općine Donji Vakuf ("Službeni glasnik Općine Donji Vakuf", broj 2/98 i 2/01) i člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj 1/98, 3/98 i 2/01), Općinsko vijeće, na sjednici održanoj 15.02.2003 godine, donijelo je

ODLUKU

o kriterijima i mjerilima dodjele u zakup poslovnih prostorija Općine Donji Vakuf

I OPĆE ODREDBE

Član 1.

Odlukom o kriterijima i mjerilima dodjele u zakup poslovnih prostorija u vlasništvu (pod upravom) Općine Donji Vakuf utvrđuju se kriteriji i mjerila, uslovi, način i postupak dodjele u zakup poslovnih prostorija, visina i način plaćanja zakupnine, kao i ostala pitanja iz odnosa zakupa poslovnih prostorija.

Član 2.

Administrativne, tehničke, pravne i druge poslove vezane za zasnivanje, trajanje i prestanak zakupa poslovnih prostorija, poslove nadzora i evidencije, vrši Općinska služba, za stambeno komunalne djelatnosti i prostorno uređenje (u daljem tekstu: Služba).

II POSTUPAK DODJELE POSLOVNIH PROSTORIJA

Član 3.

Poslovne prostorije iz člana 1. Odluke dodjeljuju se putem javnog oglasa ili putem prava prvenstva.

Zakup poslovnih prostorija putem prava prvenstva ostvaruje se neposrednom pogodbom na način utvrđen Odlukom.

Član 4.

Javni oglas iz člana 3. stav 1. Odluke objavljuje općinski načelnik na prijedlog Službe najmanje 1 (jedan) mjesec prije isteka-prestanka ugovora o zakupu istekom ugovorenog roka, odnosno u roku od 15 dana od dana sporazumnog raskida ugovora ili prestanka ugovora o zakupu po drugom osnovu.

Član 5.

Javni oglas iz prethodnog člana se objavljuje u jednom od dnevnih listova.

Sadržaj javnog oglasa utvrđuje općinski načelnik na

prijedlog Službe u skladu sa zakonom i ovom Odlukom.

Član 6.

Pismene prijave sa navedenom ponudom na javni oglas podnose se Komisiji za provođenje javnog oglasa za dodjelu u zakup poslovnih prostorija (u daljem tekstu: Komisiji) neposredno ili poštom preporučeno u zapečaćenoj koverti.

Član 7.

Komisija otvara primljene ponude i nakon utvrđivanja formalne ispravnosti ponuda, vrši vrednovanje prema kriterijima i mjerilima iz člana 10. Odluke i rangira učesnike prema ukupnom broju dodjeljenih bodova.

Komisija vrši objavljivanje vrednovanih ponuda u prisustvu učesnika, a o proceduri iz prethodnog stava obavještavaju se svi učesnici pismeno uz naznačenje datuma, mjesta i vremena održavanja javnog objavljivanja.

Član 8.

Ponudu sa najvećim brojem bodova Komisija ocjenjuje kao najpovoljniju i dostavlja općinskom načelniku prijedlog Odluke o dodjeli u zakup poslovne prostorije najpovoljnijem ponuđaču.

Član 9.

Komisiju iz člana 6. stav 1. Odluke čine predsjednik, zamjenik predsjednika i 3 (tri) člana koje imenuje Načelnik općine na period od 2 (dvije) godine.

III KRITERIJI I MJERILA

Član 10.

Kriteriji i mjerila dodjele u zakup poslovnih prostorija su:

- | | |
|---|-----------|
| - visina zakupnine (za 1 KM iznad početnog iznos zakupnine) | 5 bodova |
| - neposjedovanje poslovnog prostora od strane učesnika na konkursu ili članova porodice koji sa njima žive u porodičnom domaćinstvu | 20 bodova |
| - nezaposlenost učesnika u konkursu | 25 bodova |
| - nezaposlenost svakog daljeg za rad sposobnog člana porodice učesnika na konkursu koji sa njim živi u porodičnom domaćinstvu | 3 boda |
| - učešće u uružanim snagama FBiH, za svaku godinu učešća | 5 bodova |
| - porodice šehida i poginulih boraca | 30 bodova |
| - ratni vojni invalidi do 50% invaliditeta | 10 bodova |
| - ratni vojni invalidi preko 50% | 20 bodova |

Član 11.

Komisija je dužna donijeti Odluku o izboru najpovoljnije ponude najkasnije u roku od 15 dana od dana isteka roka za prijavu na oglas.

Član 12.

Ako dva ili više učesnika oglasa po kriterijima i mjerilima iz člana 10. ostvare isti broj bodova, po najpovoljnijoj ponudi prednost ima dosadašnji zakupac.

Ako nijedan od učesnika predhodnog stava nije dosadašnji zakupac, prednost ima učesnik oglasa koji je ostvario veći broj bodova po osnovu visine zakupnine ili svakog narednog kriterija iz člana 10. Odluke.

Član 13.

Na osnovu prijedloga Komisije općinski načelnik zaključuje ugovor o zakupu poslovne prostorije u roku od 15 dana od dostavljenog prijedloga Komisije.

Član 14.

Ukoliko učesnik, kome je dodijeljena poslovna prostorija u zakup odustane od zaključivanja ugovora u roku iz predhodnog člana, ugovor o zakupu zaključuje općinski načelnik sa sljedećom najpovoljnijom ponudom.

Član 15.

Načelnik općine može na prijedlog komisije dati u zakup poslovne prostorije putem prava prvenstva u sljedećim slučajevima.

- na osnovu prijedloga Općinske komisije za priznanja postignuta u odbrani zemlje.
- potreba općinski službi - organa,
- ako se nakon smrti zakupca (samostalni privrednik) ugovor zaključuje od strane bračnog druga, djece ili sa osobom koja je u radnom odnosu preko tri godine sa dosadašnjim zakupcem.
- bračnom drugu ili djeci zakupca nakon njegovog odlaska u penziju ukoliko su bili zaposleni.
- zakupcima poslovnih prostorija koji koristi prostor pet ili više godina, a vlastitim sredstvima su savjesno održavali taj prostor.

Član 16.

Ugovor o zakupu poslovnih prostorija zaključuje se na određeno vrijeme u trajanju do 5 (pet) godina.

IV VISINA I NAČIN PLAĆANJA ZAKUPNINE**Član 17.**

Zakupac je dužan za korišćenje poslovnih prostorija

plaćati zakupninu na način i pod uslovima utvrđenim Odlukom.

Član 18.

Visina zakupnine određuje se prema zoni u kojoj se poslovna prostorija nalazi.

Član 19.

Najniži iznos mjesečne zakupnine za prostore, uključujući i općinske kioske kao privremene objekte na gradskom građevinskom zemljištu, po zonama utvrđuje se kako slijedi:

I zona	10 KM po m ² korisne površine.
II zona	8 KM po m ² korisne površine,
III zona	6 KM po m ² korisne površine.

U slučaju da se nakon dva puta raspisanog javnog oglasa za dodjelu u zakup poslovnih prostorija ili putem prava prvenstva-neposrednom pogodbom ne postigne najniži iznos zakupnine utvrđen predhodnim stavom ove Odluke i u slučaju da na dva puta za raspisani javni oglas nije bilo prijavljenih, zakupni odnos se zasniva sa visinom zakupnine utvrđene slobodnom pogodbom.

Član 20.

Zakupcima poslovnih prostora iz člana 15. Odluke, zakupnina po m² poslovnog prostora, utvrđuje se na bazi prosječno utvrđene zakupnine za poslovne prostore iz člana 19. u istoj Zoni ostvarene javnim oglašavanjem u predhodnom tromjesečju.

Član 21.

Zakupac je dužan plaćati zakupninu za 1 (jedan) mjesec unaprijed.

V POSEBNE ODREDBE**Član 22.**

Zakupac ne može poslovne prostorije ili dio poslovne prostorije dati pod zakup ili koristiti kao svoje učešće po osnovu ugovora o poslovno-tehničkoj ili drugim oblicima saradnje sa drugim pravnim i fizičkim licima.

Član 23.

Ugovor o zakupu poslovnih prostorija prestaje istekom vremena na koji je zaključen.

Ugovor može prestati i prije isteka vremena na koji je zaključen, na osnovu odustanka, sporazumno ili jednostranim raskidom ugovora, pod uslovima i na način propisan zakonom i propisima donesenim na osnovu zakona.

VI PRIJELAZNE I ZAVRŠNE ODREDBE

Član 24.

Ova Odluka stupa na snagu danom objavljivanja u "Službenom glasniku Općine Donji Vakuf".

Broj: 01/1-23-204/03
Donji Vakuf, 17.02.2003. godine

PREDSJEDAVALAČI OPĆINSKOG VIJEĆA
Hadžić Džavid, dipl.ing šumarstva

Na osnovu člana 56. stav 2. Zakona o eksproprijaciji («Sl. list SR BiH», broj: 12/87 i 38/89) i člana 34. Statuta Općine Donji Vakuf («Sl. glasnik Općine Donji Vakuf», broj: 2/98 i 2/01), Vijeće općine Donji Vakuf na svojoj sjednici održanoj dana 15.02.2003. godine, donijelo je

ODLUKU

o visini naknade za izuzeta građevinska zemljišta u društvenoj-državnoj svojini

Član 1.

Ovom Odlukom utvrđuje se visina naknade za izuzeta građevinska zemljišta u društvenoj-državnoj svojini.

Član 2.

Visina naknade za 1 m² građevinskog zemljišta u društvenoj-državnoj svojini koje se izuzima od ranijeg vlasnika, sadašnjeg korisnika iznosi 0,7% od prosječne tržišne cijene 1 m² stambenog prostora u društvenoj-državnoj izgradnji formiranoj u 2002. godini na području općine Donji Vakuf.

Član 3.

Ova Odluka stupa na snagu danom objavljivanja u Službenom glasniku općine Donji Vakuf.

Broj: 01/1-31-205/03
Donji Vakuf, 17.02.2003. godine

PREDSJEDAVALAČI OPĆINSKOG VIJEĆA
Hadžić Džavid, dipl.ing šumarstva

Na osnovu člana 38. stav 5. Zakona o eksproprijaciji («Sl. list SR BiH», broj: 12/87 i 38/89) i člana 34. Statuta Općine Donji Vakuf («Sl. glasnik Općine Donji Vakuf», broj: 2/98 i 2/01), Vijeće općine Donji Vakuf na svojoj sjednici održanoj dana 15.02.2003. godine, donijelo je

ODLUKU

o načinu i uslovima određivanja naknade za eksproprijano poljoprivredno i građevinsko zemljište

Član 1.

Ovom odlukom određuju se bliži uslovi i mjerila za određivanje naknade za eksproprijano poljoprivredno i građevinsko zemljište na području općine Donji Vakuf.

Član 2.

Pri određivanju naknade za eksproprijano poljoprivredno zemljište i građevinsko zemljište cijenit će se korist koju može dati to zemljište redovnim iskorištavanjem, korist koju je raniji vlasnik imao od tog zemljišta a naročito tržišna cijena odgovarajućeg zemljišta.

Tržišna cijena eksproprijanog poljoprivrednog zemljišta utvrđuje se na osnovu podataka o prometnoj vrijednosti koju daje porezna uprava i podataka o iznosima iz postignutog sporazuma o određivanju pravične naknade za eksproprijano zemljište općini Donji Vakuf.

Ako je vrijednost poljoprivrednog zemljišta uvećana kao rezultat neposrednog ili posrednog ulaganja društvenih sredstava ili ako na formiranje tržišne cijene utiču okolnosti što se poljoprivredno zemljište nalazi u samom naselju, u blizini naselja, saobraćajnica i drugih objekata ili što predstoji eksproprijacija, naknada će se umanjiti srazmjerno uticaju tih okolnosti.

Član 3.

Okolnosti iz člana 2. ove odluke, a koje utiču na povećanje kod formiranja tržišne cijene poljoprivrednog zemljišta su u urbanim naseljima na području općine Donji Vakuf i uz slijedeće saobraćajnice:

1. Put Donji Vakuf - Jajce na udaljenosti od 150 m od puta;
2. Put Donji Vakuf - Bugojno na udaljenosti od 150 m od puta
3. Put Donji Vakuf - Travnik na udaljenosti od 150 m od puta
4. Put Donji Vakuf - Prusac - Guvna na udaljenosti od 150 m od puta
5. Put Donji vakuf - Brežičani na udaljenosti od 150 m od puta
6. Put Oborci - Šeherdžik na udaljenosti od 150 m od puta

Član 4.

Tržišna cijena poljoprivrednog zemljišta iz člana 3. stav 1. ove odluke umanjuje se za 20%.

Tržišna cijena poljoprivrednog zemljišta iz člana 3. stav 2. tačka 1. do 6. ove odluke umanjuje se za 10%.

Član 5.

Ova odluka stupa na snagu danom objavljivanja u Službenom glasniku općine Donji Vakuf.

Broj: 01/1-31-207/03
Donji Vakuf, 17.02.2003. godine

PREDSJEDAVALAČI OPĆINSKOG VIJEĆA
Hadžić Džavid, dipl.ing šumarstva

Na osnovu člana 49. stav 2. i člana 67. Zakona o građevinskom zemljištu («Sl. list SR BiH», broj:34/86 i 1/90) i člana 34. Statuta općine Donji Vakuf («Sl. glasnik općine Donji Vakuf», broj:2/98 i 2/01), Vijeće općine Donji Vakuf, na sjednici održanoj 15.02.2003. godine, donosi

ODLUKU

o izmjeni i dopuni Odluke o osnovama i mjerilima za utvrđivanje visine naknade za dodjeljeno građevinsko zemljište, uređenje gradskog građevinskog zemljišta i naknade za korišćenje gradskog građevinskog zemljišta

Član 1.

Iza člana 18. Odluke o osnovama i mjerilima za utvrđivanje visine naknade za dodjeljeno građevinsko zemljište, uređenje gradskog građevinskog zemljišta i naknade za korišćenje gradskog građevinskog zemljišta («Službeni glasnik Općine Donji Vakuf», broj:5/98,2/99 i 4/01) dodaju se članovi 18 a i 18 b. koji glase:

Član 18a.

«Naknada za dato građevinsko zemljište pod zakup za podizanje privremenih pomoćnih objekata - garaža ili sanaciju privremenih pomoćnih objekata - garaža utvrđuje se u mjesečnom iznosu od 1.00 KM/m².

Član 18b.

Zakupnina utvrđena u članu 18a. ove Odluke predstavlja početni iznos zakupnine za dodjelu zemljišta pod zakup putem konkursa, a konačni iznos za dodjelu zemljišta pod zakup putem neposredne pogodbe.

Član 2.

Ova odluka stupa na snagu danom objavljivanja u «Službenom glasniku Općine Donji Vakuf».

Broj: 01/1-023-208/03
Donji Vakuf, 17.02.2003. godine

PREDSJEDAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 34. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/02), Općinsko vijeće Donji Vakuf na sjednici održanoj 15.02.2003. godine donijelo je

ODLUKU

o izmjeni i dopuni Odluke o imenovanju radnih tijela vijeća

I

MLINARIĆ NERMNA, predsjednik Komisije za izradu statuta i drugih normativnih akata, imenovana

Odlukom o imenovanju radnih tijela vijeća broj 01/1-023-598/00 od 24.07.2000 godine (objavljeno u "Službenom glasniku Općine Donji Vakuf" broj 3/00), razrješava se dužnosti.

II

Za predsjednika Komisije za izradu statuta i drugih normativnih akata imenuje se KURIĆ MELISA.

III

Ovu odluku objaviti u "Službenom glasniku Općine Donji Vakuf".

Broj: 01/1-05-212/03
Donji Vakuf, 17.02.2003. godine

PREDSJEDAJUĆI OPĆINSKOG VIJEĆA
Hadžić Džavid, dipl.ing šumarstva

Vijeće Općine Donji Vakuf, na svojoj sjednici održanoj dana 15.02. 2003.godine na osnovu člana 25. Zakona o građevinskom zemljištu («Sl.list SR BiH», broj:34/86 i 1/90) i člana 34. Statuta općine Donji Vakuf («Službeni glasnik Općine Donji Vakuf», broj:2/98 i 2/01), po službenoj dužnosti u predmetu uređenja desne obale rijeke Vrbas nizvodno od mosta, donosi

RJEŠENJE

1. PREUZIMA SE iz posjeda-prava korišćenja od DD «VRBAS» DONJI VAKUF neizgrađeno gradsko građevinsko zemljište društveno-državne svojine evidentirano po katastru kao k.p.811/3 zv.Hotel Vrbas-dvorište od 297 m² iz p.l.2768 u k.o.Donji Vakuf I, a po gruntovnici kao k.č.3/137 neplodno površine 297 m² iz z.k.ul.1149 u k.o. Donji Vakuf.

2. UTVRDUJE SE da je steklo status JAVNOG DOBRA nepokretnosti u opštoj upotrebi zemljište društveno-državne svojine k.p.811/3 zv.Hotel Vrbas-dvorište od 297 m² iz p.l.2768 u k.o. Donji Vakuf I, identično po gruntovnici kao k.č.3/137 neplodno od 297 m² iz z.k.ul.1149 u k.o. Donji Vakuf.

3. U zemljišnoj knjizi Općinskog suda Bugojno i katastru Općine Donji Vakuf, brisat će se izvršeni upis zemljišta iz tačke 1. dispozitiva rješenja sa dosadašnjeg posjednika-korisnika, te će se isto upisati kao nekretnine u opštoj upotrebi-javno dobro.

O bra zlo ž e n j e:

Općinska služba za geodetske i imovinsko-pravne poslove općine Donji Vakuf je po službenoj dužnosti pristupila rješavanju imovinsko-pravnih odnosa u predmetu uređenja desne obale rijeke Vrbas u Donjem Vakufu nizvodno od mosta u dužini od 192 m.

Urbanističkom saglasnošću broj:23/02-908/02 od 27.12.2002.godine koju je izdalo Javno preduzeće za stambeno-komunalne djelatnosti i prostorno uređenje Donji Vakuf je predviđeno da se može odobriti uređenje desne obale rijeke Vrbas u Donjem Vakufu nizvodno od mosta u dužini od 192 m u svemu prema projektu urađenom u Zavodu za vodoprivredu Sarajevo.Uvidom u p.l.2768 u k.o.Donji Vakuf I pravo posjeda na parceli k.p.811/3 je na DD «Vrbas» Donji Vakuf, dok je pravo korišćenja na k.č.3/137 u z.k.ul.1149 u k.o.Donji Vakuf takođe uknjiženo na DD «Vrbas» Donji Vakuf. Radi toga je u skladu sa članom 25.Zakona o građevinskom zemljištu («Sl.list SR BiH», broj:34/86 i 1/90) bilo nužno da se sasluša raniji vlasnik, odnosno nosilac privremenog prava korišćenja zemljišta, a koji je pismenim aktom broj: 3-01/03 od 07.02.2003.godine dao pismenu saglasnost da se predmetno zemljište preuzme i njihovog posjeda-prava korisništva i uknjiži kao javno dobro. Ostala trasa uređenja desne obale rijeke Vrbas je na parcelama koje su uknjižene kao javno dobro.

Na osnovu izloženog riješeno je kao u dispozitivu rješenja.

POUKA O PRAVNOM LIJEKU: Protiv ovog rješenja ne može se izjaviti žalba ,ali se može pokrenuti Upravni spor kod Kantonalnog suda Travnik u roku od 30 dana od dana prijema rješenja. Tužba se podnosi neposredno navedenom sudu u dva primjerka.

Broj: 01/1-31-209/03
Donji Vakuf, 17.02.2003. godine

PREDSJEDAVALAČI OPĆINSKOG VIJEĆA
Hadžić Džavid, dipl.ing šumarstva

Vijeće općine Donji Vakuf na sjednici održanoj dana 15.02.2003.godine na osnovu člana 25. i 47.stav 2.Zakona o građevinskom zemljištu («Sl.list SR BiH», broj:34/86 i 1/90),člana 26. Odluke o uslovima i načinu dodjele građevinskog zemljišta društvene svojine na korišćenje radi građenja («Sl.glasnik Općine Donji Vakuf», broj:5/98 i 7/98) i člana 34.Statuta Općine Donji Vakuf («Sl.glasnik Općine Donji Vakuf», broj: 2/98 i 2/01), postupajući po zahtjevu SUŠIĆ NISIMA sina Mahmuta iz Prusca Općina Donji Vakuf, u predmetu preuzimanja i dodjele građevinskog zemljišta društveno-državne svojine, neposrednim putem, donosi

RJEŠENJE

1.PREUZIMA SE iz posjeda Šipad Sarajevo OOUR Koprivnica iz Donjeg Vakufa, građevinsko zemljište društveno-državne svojine evidentirano kao:

- k.p. 150 zv.Varošišće - dvorište - 578 m²
- k.p. 151/1 zv.Varošišće -njiva od 1007 m²
oba iz p.l.69 u k.o.Prusac II.

2. DODJELJUJE SE I USTUPA na korišćenje SUŠIĆ NISIMU sina Mahmuta iz Prusca općina Donji Vakuf, u

svrhu izgradnje porodično stambene zgrade, građevinsko zemljište društveno-državne svojine evidentirano kao k.č.527/1 zv.pašnjak Varošišće u površini od 1585 m² iz zk.ul.320 u k.o.Prusac, a po katastru kao k.p.150 zv.Varošišće-dvorište od 578 m² i k.p.151/1 zv.Varošišće njiva od 1007 m² iz p.l.69 u k.o. Prusac II.

3.Naknada za dodjeljeno zemljište utvrđuje se u iznosu od 8.153,60 KM i to kao:

- naknada za preuzeto zemljište u iznosu od 7.544,60 KM, i
 - naknada za pogodnosti u iznosu od 609,00 KM,
- a utvrđeni iznos naknade imenovani je dužan uplatiti na žiro račun Općine Donji Vakuf koji se vodi kod Privredne banke Sarajevo Poslovnica Donji Vakuf broj: 1011330000006907, vrsta prihoda 722431 po pravosnažnosti rješenja.

4. Ukoliko imenovani u roku od jedne godine od dana pravosnažnosti ovog rješenja ne pribavi odobrenje za građenje,odnosno ako u roku od tri godine od dana izdavanja odobrenja za građenje ne izvede pretežan dio radova na objektu (stavljanje pod krov i sl.), organ nadležan za imovinsko-pravne poslove će svojim rješenjem utvrditi gubitak prava korišćenja radi građenja.

5.Zemljo-knjižni ured Općinskog suda Bugojno i katastar Općine Donji Vakuf će po prijemu ovog rješenja izvršiti brisanje prava korišćenja i prava posjeda sa dosadašnjih korisnika-posjednika i zemljište navedeno u tački 2.dispozitiva rješenja upisati na ime SUŠIĆ NISIMA sin Mahmuta sa 1/1 dijela.

Obrazloženje:

Sušić Nisim sin Mahmuta iz Prusca općina Donji Vakuf obratio se Vijeću Općine Donji Vakuf,putem općinske službe za geodetske i imovinsko-pravne poslove da mu se u skladu sa urbanističkom saglasnošću, a uz prethodno preuzimanje zemljišta dodjeli građevinsko zemljište društveno državne svojine evidentirano kao k.p.150 i k.p.151/1 iz p.l.69 u k.o.Prusac II.

Uz zahtjev imenovani je podnio propisanu dokumentaciju.

Uvidom u urbanističku saglasnost broj:23/02-292/02 od 25.10.2002.godine utvrđeno je da na k.p.150 i k.p.151/1 iz p.l.69 u k.o.Prusac II predviđena i dozvoljena izgradnja porodično-stambenog objekta. Uvidom u p.l.69 u k.o.Prusac II utvrđeno je da se predmetno zemljište vodi kao posjed Šipad Sarajevo OOUR Koprivnica Donji Vakuf, a ista je dala pismenu saglasnost svojim aktom broj:O8-415/1-2002 od 06.06.2002.godine da se predmetno zemljište preuzme iz posjeda Š.P.P. Koprivnica i dodjeli podnosiocu zahtjeva. Predmetno zemljište po gruntovnim knjigama se vodi kao OPŠTENARODNA IMOVINA sa 1/1 dijela.

Saslušanjem podnosioca zahtjeva utvrđeno je da je imenovani zajedno sa svojim roditeljima od 1958. godine živio u kući koja je bila u posjedu Š.P.P.Koprivnica i daje isti nakon smrti svog oca nastavio koristiti kuću sa ženom i dvoje djece sve do 1992. godine kada je porodična kuća uništena 100%. Podnosilac zahtjeva ne posjeduje stan niti građevinsko zemljište pogodno za izgradnju porodično-stambene zgrade. Iz uvjerenja Službe za boračko-invalidsku zaštitu općine Donji Vakuf broj:05-41-891/02 od 26.12.2002. godine je vidljivo da je Sušić Nisim mirnodobski vojni invalid -90%, te da je isti bio pripadnik oružanih snaga AR BiH u periodu od 22.04.1992. godine do 15.04.1996. godine (uvjerenje Odjela za odbranu Donji Vakuf, broj:22-12-02-34-1-465-1/02 od 30.12.2002. godine). Imajući u vidu nađeno te odredbe člana 6. i 25.Zakona o građevinskom zemljištu, a kojima je regulisano da općina raspolaže građevinskim zemljištem valjalo je odlučiti kao u dispozivu rješenja.

Odredba tačke 3. dispozitiva rješenja o naknadi za dodijeljeno građevinsko zemljište temelje se na odredbi člana 68. Zakona o građevinskom zemljištu, a njena visina je utvrđena na osnovu člana 3. i 5.0dluke o osnovama i mjerilima za utvrđivanje visine naknade za dodijeljeno građevinsko zemljište ,uređenje gradskog građevinskog zemljišta i naknade za korišćenje gradskog građevinskog zemljišta («Sl.glasnik općine Donji Vakuf», broj:5/98,2/99 i 4/01) Odredba o gubitku prava korišćenja radi građenja zbog prekoračenja rokova iz tačke 4. dispozitiva rješenja temelje se na odredbi člana 53. stav 1. ZGZ -u («Sl.list SR BiH», broj:34/86 i 1/90).

Na osnovu svega izloženog rješeno je kao u dispozitivu rješenja.

POUKA O PRAVNOM LIJEKU: Protiv ovog rješenja ne može se izjaviti žalba, ali se može pokrenuti Upravni spor kod Kantonalnog suda u Travniku u roku od 30 dana od dana prijema rješenja. Tužba se podnosi neposredno navedenom sudu u 2 primjerka.

Broj: 01/1-31-209/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Vijeće općine Donji Vakuf, na svojoj sjednici održanoj dana 15.02.2003. godine,na osnovu člana 47. stav 2. Zakona o građevinskom zemljištu («Sl.list SR BiH», broj: 34/86 i 1/90), člana 26. Odluke o uslovima i načinu dodjele građevinskog zemljišta u društvenoj svojini na korišćenje radi građenja («Sl.glasnik Općine Donji Vakuf», broj: 5/98 i 7/98) i člana 34. Statuta Općine Donji Vakuf («Sl.glasnik Općine Donji Vakuf», broj: 2/98 i 2/01), rješavajući po zahtjevu KURIĆ JUSUFA sina Sejfe iz Donjeg Vakufa, u predmetu dodjele zemljišta putem neposredne pogodbe, donosi

RJEŠENJE

ODBIJA SE zahtjev KURIĆ JUSUFA sina Sejfe iz Donjeg Vakufa za dodjelu neizgrađenog građevinskog zemljišta društvene svojine evidentiranog kao k.p. 2251/2 iz p.l.309 u k.o.Donji Vakuf I, identično po gruntovnici kao k.č.86/2 iz z.k.ul.3726 u k.o. Donji Vakuf, putem neposredne pogodbe.

Obrazloženje:

Kurić Jusuf sin Sejfe iz Donjeg Vakufa obratio se Općinskom vijeću Donji Vakuf putem općinske službe za geodetske i imovinsko-pravne poslove za dodjelu neizgrađenog građevinskog zemljišta evidentiranog kao k.p.2251/2 iz p.l.309 u k.o.Donji Vakuf I, identično po gruntovnici kao k.č.86/2 iz z.k.ul.3726 u k.o. Donji Vakuf površine 787 m², od čega podnosilac zahtjeva traži polovinu za izgradnju porodično stambene zgrade.

Uz svoj zahtjev imenovani je priložio:

- urbanističku saglasnost broj:23/02-592/02 od 23.08.2002.godine,
- zemljoknjižni izvadak,
- prepis posjedovnog lista,
- uvjerenje o angažovanosti u OS RBiH,
- uvjerenje o angažovanosti po osnovu radne obaveze

Urbanističkom saglasnošću izdatom od strane Javnog preduzeća za stambeno komunalne djelatnosti i prostorno uređenje Donji Vakuf je utvrđeno da se parcela 2251 može cijepati, odnosno da se može formirati građevinski plac. Predmetno zemljište je društvena svojina sa pravom korišćenja na ime Općine Donji Vakuf. Podnosilac zahtjeva je bio pripadnik oružanih snaga RBiH u periodu od 3.7.1992.godine do 22.4.1993.godine (uvjerenje Ministarstva odbrane Travnik-Odjeljenje odbrane Donji Vakuf br.45-12-02-430-1/97 od 2.10.1997.godine), te bio angažovan po osnovu radne obaveze u periodu od 6.1.1994. godine do 22.01.1996. godine u MŠS Bugojno i MŠS Donji Vakuf (uvjerenje Ministarstva odbrane Travnik-Odjeljenje odbrane Donji Vakuf br.24-3-2/2-66-22/97 od 11.06.1997. godine).

Uvidom u odredbe člana 48.Zakona o građevinskom zemljištu («Sl.list SR BiH», broj: 34/86 i 1/90), te člana 15. Odluke o uslovima i načinu dodjele građevinskog zemljišta u društvenoj svojini na korišćenje radi građenja («Sl.glasnik Općine Donji Vakuf», broj: 5/98 i 7/98), ova služba je našla da podnosilac zahtjeva ne ispunjava ni jedan od predviđenih kriterija za dodjelu zemljišta putem neposredne pogodbe.

Iz naprijed navedenih razloga odlučeno je kao u dispozitivu rješenja.

POUKA O PRAVNOM LIJEKU:

Protiv ovog rješenja ne može se izjaviti žalba, ali se može pokrenuti Upravni spor kod Kantonalnog suda u Travniku u roku od 30 dana od dana prijema rješenja. Tužba

se podnosi neposredno navedenom sudu u dva primjerka.

Broj: 01/1-31-211/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98, 3/98 i 2/01), Općinsko vijeće Donji Vakuf je, na sjednici održanoj 15.02.2003. godine, donijelo

ZAKLJUČAK

po Nacrtu Budžeta Općine Donji Vakuf za 2003. godinu

I

Predloženi Nacrt Budžeta vraća se na doradu odnosno služi kao baza za izradu Prijedloga Budžeta.

Pri izradi Prijedloga Budžeta uzeti u obzir sve amandmane prezentirane na sjednici Vijeća.

Predlagač je obavezan da da obrazloženje po svakom amandmanu koji je uzet u obzir i uvršten u Prijedlog Budžeta, a s druge strane za amandmane koji nisu prihvaćeni i ugrađeni u Prijedlog da se da obrazloženje zbog čega nisu prihvaćeni.

Sve ostale sugestije koje su iznesene treba da budu pomoć predlagaču da uradi Prijedlog Budžeta Općine za 2003. godinu.

II

Ovaj zaključak objaviti u «Službenom glasniku Općine Donji Vakuf».

Broj: 01/1-14-203/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98,3/98 i 2/01), Općinsko vijeće Donji Vakuf je na sjednici održanoj 15.02.2003. godine, donijelo

ZAKLJUČAK

po Odluci o prosječnoj konačnoj građevinskoj cijeni m² korisne stambene i poslovne površine u društvenoj - državnoj svojini na području Općine Donji Vakuf u 2002. godini

1. Vraća se na doradu Odluka o prosječnoj konačnoj građevinskoj cijeni m² korisne stambene i poslovne površine u društvenoj - državnoj svojini na području Općine Donji Vakuf u 2002. godini, sa zadatkom Službi za geodetske i imovinsko pravne poslove da u pogledu cijene m² korisne stambene i poslovne površine kontaktira još par firmi, te da na bazi podataka zaprimljenih od kontakti ranih firmi utvrdi prosječnu konačnu cijenu m² korisne stambene i poslovne površine.

2. Ovaj zaključak objaviti u «Službenom glasniku Općine Donji Vakuf».

Broj: 01/1-31-206/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98, 3/98 i 2/01), Općinsko vijeće Donji Vakuf je, na sjednici održanoj 15.02.2003. godine donijelo sljedeći

ZAKLJUČAK

I

Do naredne sjednice Vijeća Općinske službe će, svaka u okviru svoje nadležnosti, pripremiti odgovore na dosad postavljena vijećnička pitanja.

Na istoj sjednici Vijeća, Vijeće će se izjasniti po zaprimljenim odgovorima i donijeti zaključak o provodivosti istih.

Za ubuduće na sjednicama Vijeća, prije usvajanja dnevnog reda, napraviti će se kratka analiza - šta je sa odlukama koje su donesene na predhodnoj sjednici Vijeća, u kojoj su fazi izvršenja.

II

Ovaj Zaključak objaviti u «Službenom glasniku Općine Donji Vakuf».

Broj: 01/1-05-214/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98,3/98 i 2/01), Općinsko vijeće Donji Vakuf je na sjednici održanoj 15.02.2003. godine, donijelo

ZAKLJUČAK

po Informaciji o organizaciji policije
Srednjobosanskog kantona

1. Općinsko vijeće Donji Vakuf podržava organizaciono ustrojstvo policije Srednjobosanskog kantona, ali se protivu rasporedu policijskih uprava i policijskih stanica po pojedinim općinama. Općinsko vijeće izričito traži da u Donjem Vakufu ostane policijska uprava.

2. Ovaj Zaključak objaviti u «Službenom glasniku Općine Donji Vakuf».

Broj: 01/1-05-213/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98,3/98 i 2/01), Općinsko vijeće Donji Vakuf je na sjednici održanoj 15.02.2003. godine, donijelo sljedeći

ZAKLJUČAK

1. Pri realizaciji Projekta uređenja korita rijeke Vrbas mora

se adekvatno- pravilno riješiti izvorište Buka.

2. Ovaj Zaključak objaviti u «Službenom glasniku Općine Donji Vakuf».

Broj: 01/1-23-223/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98,3/98 i 2/01), Općinsko vijeće Donji Vakuf je na sjednici održanoj 15.02.2003. godine, donijelo sljedeći

ZAKLJUČAK

1. Daje se u zadatak Općinskoj službi za geodetske i imovinsko-pravne poslove da, u roku od 15 dana, parcelu tretiranu Rješenjem o odbijanju zahtjeva Kurić Jusufa, pripremi za raspisivanje konkursa.

2. Ovaj zaključak objaviti u «Službenom glasniku Općine Donji Vakuf».

Broj: 01/1-31-216/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf («Službeni glasnik Općine Donji Vakuf», broj: 1/98,3/98 i 2/01), Općinsko vijeće Donji Vakuf je na sjednici održanoj 15.02.2003 godine, donijelo

ZAKLJUČAK

po aktu Vatrogasnog društva Donji Vakuf

1. Općinsko vijeće Donji Vakuf ostaje pri ranije usvojenom Zaključku broj 01/1-05-1064/02 od 27.05. 2002. godine i stavu da se uposle 4 vatrogasca uz dobijanje velikog vatrogasnog vozila, a zahtijeva od druge ugovorne strane da ispuni preuzetu obavezu.

2. Ovaj Zaključak objaviti u «Službenom glasniku Općine Donji Vakuf».

Broj: 01/1-05-217/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

U tekstu Rješnja o imenovanju Komisije za rad na Inicijativi o gradskoj sportskoj dvorani u Donjem Vakufu broj 01/1-05-2056/02 od 31.12.2002. godine (objavljeno u "Službenom glasniku Općine Donji Vakuf", broj: 1/03), učinjen je propust, pa je potrebno izvršiti sljedeću

ISPRAVKU

Rješenja o imenovanju Komisije za rad na inicijativi o gradskoj sportskoj dvorani u Donjem Vakufu

U članu 1. tačka 9. iza riječi "Pomoćnik načelnika za društvene djelatnosti i opću upravu" briše se tačka, pa dodaje

crtica i riječ "koordinator".

Broj: 01/1-05-110/03
Donji Vakuf, 17.02.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

SADRŽAJ

Red broj		
1.	Program rada Općinskog vijeća Donji Vakuf za 2003. godinu	1
2.	Odluku o kriterijima i mjerilima dodjele pod zakup poslovnih prostorija Općine Donji Vakuf	5
3.	Odluku o visini naknade za izuzeta građevinska zemljišta u društvenoj- državnoj svojini	7
4.	Odluku o načinu i uslovima određivanja naknade za eksproprisano poljoprivredno i građevinsko zemljište	7
5.	Odluku o izmjeni i dopuni Odluke o osnovama i mjerilima za utvrđivanje visine naknade za dodjeljeno građevinsko zemljište, uređenje gradskog građevinskog zemljišta, i naknade za korištenje gradskog građevinskog zemljišta	8
6.	Odluku o izmjeni i dopuni Odluke o imenovanju radnih tijela Vijeća	8
7.	Rješenje o preuzimanju neizgrađenog građevinskog zemljišta društvene-državne svojine i utvrđivanju statusa javnog dobra	8
8.	Rješenje o preuzimanju, dodjeli i ustupanju građevinskog zemljišta društvene - državne svojine Sušić Nisimu	9
9.	Rješenje o odbijanju zahtjeva Kurić Jusufa	10
10.	Zaključak po Nacrtu Budžeta Općine Donji Vakuf za 2003 godinu	11
11.	Zaključak po Odluci o prosječnoj konačnoj građevinskoj cijeni m ² korisne stambene i poslovne površine u društvenoj - državnoj svojini na području Općine Donji Vakuf u 2002 godini	11
12.	Zaključak vezano za vijećnička pitanja i donešene odluke Vijeća	11
13.	Zaključak po Informaciji o organizaciji policije Srednjobosanskog kantona	11
14.	Zaključak vezano za realizaciju Projekta uređenja korita rijeke Vrbas	11
15.	Zaključak vezano za pripremu parcele za raspisivanje konkursa	12
16.	Zaključak po aktu Vatrogasnog društva Donji Vakuf	12
17.	Ispravka Rješenja o imenovanju Komisije za rad na inicijativi o gradnji sportske dvorane u Donjem Vakufu.	12